

SAKSPAPIR

Saksnr	Utval	Type	Dato
040/17	Formannskapet	PS	27.04.2017
	Kommunestyret	PS	

Saksbehandlar	ArkivsakID
Hogne Haugsdal	14/7845

Endring av gebyrregulativ – skjenkeløyve Storstova

Vedlegg :

Alkoholpolitisk plan 2016 - 2020 Vedteke 16.06.2016Gebyr- og betalingssatsar 2017

Rådmannen sitt framlegg til vedtak

Under kap 5.2 kommersielle arrangement i gebyrregulativ for 2017, blir punktet om *kommersielle arrangement Storstova m skjenking* tatt bort. Dette er i samsvar med alkoholpolitisk plan kap 4.4 – «ambulerande skjenkeløyve», som seier at skjenking i medhald av ambulerande løyve ikkje kan skje i kommunale skular eller kommunale fritidsklubbar.

.....

Formannskapet - 040/17

FO - behandling:

Framlegg frå Frp, H og Sp ved B.Vatnøy:

Storstova kan søkja ambulerande skjenkeløyve på lik linje med andre hallar i Lindås. Det er viktig at det kommer ei ny sak om rullering av alkoholpolitisk plan seinast haust 2017 der man kan sikre gode og framtidsretta reglar for hallane i Lindås kommune.

Framlegget fekk 5 røyster, B.Vatnøy-Frp, N.Øvreås-Frp, K.Vågstøl-H, A.Valle-Sp og J.Vassdal-Sp, og fall

Rådmannen sitt framlegg vart vedteke med 6 røyster.

FO - vedtak:

Under kap 5.2 kommersielle arrangement i gebyrregulativ for 2017, blir punktet om *kommersielle arrangement Storstova m skjenking* tatt bort. Dette er i samsvar med alkoholpolitisk plan kap 4.4 – «ambulerande skjenkeløyve», som seier at skjenking i medhald av ambulerande løyve ikkje kan skje i kommunale skular eller kommunale

fritidsklubbar.

.....

Saksopplysningar:

Saka skal til innstilling i formannskapet

Saka skal avgjerast i kommunestyret

1. Bakgrunn og fakta

Lindås kommune vedtok ein ny alkoholpolitisk plan i kommunestyret 16. juni 2016. Kap 4 omhandlar skjenkeløyve i kommunen, der kap 4.4 gir føringar for ambulerande skjenkeløyve. Ambulerande skjenkeløyve er tenkt brukt ved bryllaup, jubileum og liknande arrangement. Kap 4.4 gir også føringar for kva lokalar ein ikkje kan gje ambulerande løyve, mellom anna i kommunale skular og kommunale fritidsklubbar.

I samband med utarbeiding av gebyrregulativ for 2017 (gebyr- og betalingssatsar) blei den nye hallen ved Leiknes skule, Storstova, lagt inn med leigeprisar under kap 5. Dette blei gjort fordi hallen ville stå klar i løpet av våren 2017. Under kap 5.2 i gebyrregulativet «kommersielle arrangement» blei Storstova også lagt inn med muligheit for skjenking.

2. Vurdering:

Alkoholpolitisk plan er tydelig på at det ikkje skal vere arrangement med skjenking i kommunale skulebygg. Den nye hallen på Leiknes er definert som ein naturleg del av skulen og det er derfor ikkje mulig å gje skjenkeløyve til arrangement i hallen. Dette vil også bli ei aktuell problemstilling når det til dømes blir bygd fleirbrukshall i samband med ny Knarvik barneskule.

Gebyrregulativet for 2017 må vere i samsvar med alkoholpolitisk plan og punktet om skjenking i Storstova (kap 5.2) blir derfor tatt bort.